



Aleqa Hammond
Inatsisartunut Ilaasortaq
Siumut

§37 - ALHA - Efterskolit

Aleqa Hammond, Siumut, efterskolertarneq pillugu paragraf 37 naapertorlugu 15.
november 2012 apeqquteqarpoq.

Apeqqutigineqartunut imaattunik akissuteqartoqarpoq.

1.

Efterskolerumasut ukiut tamaasa amerliartuinnartut kisitsisit takutippaat, kisiannili efterskolerumasunut inissaqartitsinnginnerup kingunerisarpaa amerlangaartut itigartiinnaqartartut, ajornartorsiullu tamanna qaangerniarlugu Naalakkersuisut qanoq iliuseqarpat inissat amerlisarnissaat eqqarsaatigalugu?

Naalakkersuisut Nunatsinni Danmarkilumi efterskolertarneq pillugu 2013-ip affaani suillermi misissuisitsiniarput. Misissuisitsinermut tunngaviuvoq ilinniartitaanermut iliussissiaq taamalu kissaatigineqarluni efterskolerneq pisortallu tassunga aningaasaliissutaat sapinngisaq tamaat qulakkeerinnissasut inuusuttut inuttut, ilinniagassatigut oqaatsitigullu ima pisinnaatigilernissaat ilinniakkamik ingerlatsisinnaalissallutik. Misissuisitsinermi nalilerniarneqassaaq inuusuttut ataasiakkaat Nunatsinni efterskolerneranni illuatungaanilu Danmarkimi efterskoleraanni ilinniagassatigut suut pitsaaqutaanersut suullu ajoqutaanersut. Peqatigitilluguttaaq efterskoleqarnerup aningaasartai misissuiffigineqassapput, misissuisitsinerlu tunngavigalugu allanngortitsisoqartariaqassappat taakku aningaasanut 2014-imi inatsisissamut ilanngunneqassapput.

Aningaasanut 2013-imi Inatsimmi immikkut immikkoortinneqarput 500.000 kruunit, angajoqqaat danskit efterskoliiniititsisut akiliutaannut ikilisaatissat. Immikkoortitat taakku aalajangersumik atugassaapput ilaqutariinnut ima aningaasarsialinnut, nunatsinni efterskolertitsisuugunik akiliisussaangikkaluartunut. Aningaasat immikkoortinneqarput Danmarkimi efterskolertitsinermi akiliutit qaffannerisa kingunerimmassuk ilaqutariit isertitakitsut ilaat akissaqarunnaarmata qitornaminnik Danmarkimi efterskolertitsinissaminnut. Naalakkersuisut pingaartippaat ilaqutariit isertitaat kililiisuullaassanngitsut inuusuttortaasa efterskolersinnaanissaannut, Nunatsinni Danmarkiluuanniit.

27-11-2012
Sags nr. 2012-070176
Dok. nr. 1075026

Postboks 1029
3900 Nuuk
Tlf: +299 34 50 00
Fax +299 32 20 73
Email: iin@nanoq.gl
www.nanoq.gl

2.

Maniitsumi efterskolemik suliamut atatillugu atulerfissaata kinguaattoortinneqarnera aningaasatigut qanoq annertutigisumik kinguneqassava?

Ilinniartitaanermut ataatsimiititamut november 2012-imi imaattoq ilisimatitsissutigineqarpoq:

"Siunnersortip nalunaarutaa kingulleq tunngavigalugu pisariaqarsimavoq attartukkat aammalu pisariaqavissumik attartornissaq annertusisariaqartut, pilersaarutaasimagaluarmammi ilinniartut affaat ilinniarnep aallartinnerani inissaminut nooreersimanissaat, tamannali pisinnaasimanngilaq. Taamaattumik maanna naatsorsuutigineqalerpoq immikkut aningaasartuutissat 1,5 mio. kruunit 2,5 mio. kruunillu akornannik qaffannissaat ilinniartut tamarmik nuutsinnagit. Missingersuineq taanna nalorninartortaqrpoq, nutsernerummi naammassinissaata qaquguujumaarnerata aalajangissavaa immikkut aningaasartuutissat ikilissanersut amerlissanersulluunniit."

Sanaartornermik pilersaarut maannakkorpiaq suli naammassineqanngimmat, aningaasatigullu suli nalorninartortaqrmat, qulaani missingiineq taamaakkallartussatut nalilerneqarpoq.

Inussiarnersumik inuulluaqqusillunga
Med venlig hilsen



Palle Christiansen